

《中國地方藝文薈萃》編輯會 編

傳記出版社

中國地方藝文薈萃

華夏卷·第三輯 繪

華東卷·第三輯

拾

中國地方藝文薈萃

《中國地方藝文薈萃》編委會 編

貴州師範學院內部使用

第十册目錄

國朝全閩詩錄初集二十一卷初集續十一卷(三)	一
錫山遺響十卷	二四七

國朝全閩詩錄初集二十一卷初集續十一卷（三）

貴州师范学院内部使用

國朝全閩詩錄初集二十一卷初集續十一卷（三）

（清）鄭杰輯

據清光緒八年（一八八二）刻本影印。

國朝全閩詩錄初集續卷五

侯官鄭杰昌英組

余甸六首

甸一名祖訓字仲敏號田生福清人南平籍
康熙四十五年丙戌進士官順天府丞有干

卷樓集

閩詩選云田生性清矯居官有風節淹貫經史工詩古文詞二王書法及秦漢篆隸
贈吳子致之任江油
江油縣屬四川龍安府

真定北城闔邂逅入蜀吏涼秋御緼袍馳驛携襜被

卓哉發新硯無改後門士立馬相晤言咄嗟仍色喜
我從蜀中來能說江油事千山鎖縣齋茅茨少塗墜
化居僅米鹽兼以早休市人稀土不滿待君溥其利
俗鈍磨厲難邑小弛張易月缺沈郎錢賢者饗殮治
勤課菜甲鋤勿矢雞豚字簿書手自裁捉刀不須置
更有無米炊可以濬巧智報最屬賢勞安知非福地
舉頭見斜曛匆匆不盡意長揖贈三言雖戲願君記

二峽行

瞿塘巫山黃牛名三峽水經云杜宇所鑿以

通江水七百里中兩岸連天畧無缺處重岩
疊嶂隱天蔽日自非亭午夜分不見曦月至
夏水襄陵沿沔阻絕王命急宣朝發白帝暮
抵江陵其間千二百里雖乘奔御風不加疾
也春冬則素湍淪潭迴清倒影絕壁多生檉
柏懸泉瀑布飛漱奔流良多趣味每至晴初
霜旦林寒澗肅常有高猿長嘯空谷傳響淒
其迴絕故曰巴東三峽巫峽長猿鳴三聲淚
沾裳 按晏殊類要又以廣元之明月峽與

巫峽巴峽為三峽而巴縣西南亦有明月峽
然廣元巴縣之兩峽皆不險也當仍舊名為
是

君不見岷山之源出甕口青衣汶洛挾而走初在犍
為後邑渝涪水墊江一齊受中間經數十縣州兩渚
或不辨馬牛東會峽門縮尋丈此水何以能安流兼
之竒峰錯襟抵拔地去天不盈咫漫漭澎湃激前驅
鬱怒回濤惡旋起無刻不與陽侯爭陰風颯颯迅雷

連一葉單柯供吐納微軀直此鴻毛輕願君遊宦莫

入蜀勸君入蜀須行陸陸行難於上青天乘舟生怕
割坤軸割坤軸霾日車幾與鯨鯢成一家

冒雨過連雲棧

漢中府

辛苦蠶叢道夷猶作短歌雨從山半落雲趁脚根過
出地三千丈違天尺五多携來謝眺句搔首問如何
轉頭關早發

小隊輕裝帶曉星行行且止揖山靈雲封地軸迷空
色路接山梯入杳冥怪石怒張疑鬼物飛泉盤曲肖
龍形途窮休效嗣宗哭艱險何時不飽經

蜀宮瓦

絕代繁華地深秋細雨天宮門餘片瓦不忍憶當年

邊州聞見錄云蜀宮瓦銅綠者尤可愛白者
否灰漿受日月雨露之精華寶色射人三百
餘年舊物也甲午秋入試院與江津令余田
生行斷垣中得此田生有詩隸書刻之可以
作硯

秦蜀分界

側頸凝眸山外山西秦巴蜀此分關故人若問蠶叢

景石似霜皮水色藍

鄭任鑰二首

任鑰字維啓號魚門侯官人康熙四十五年
丙戌進士官都察院左副都御史江南學政
湖北巡撫有非顰軒藁

沈歸愚云江左多名學使公其一也生平不以詩重而詩亦可傳

春蠶詞

蠶月人家愛晴旭紙筐分葉聲滿屋三眠過後桑樹
稀稱來銀蠶繅為絲山村日午緯車響榆柳陰陰烟
火遲憶昔民間累苛派新絲二月長先賣近年兒女
有完襦急公更足償私債艱難衣食在農桑年年拜

祭馬頭孃不辭小婦閨中苦願作山龍藻火裳

沈歸愚云他手每說飼蠶之苦此用翻案法見閨中女子忠愛有餘先生補衮之心言中流露矣

送林常升北上

君是南州彥今陳北闕書江山雙眼到風雨片帆初
五葉清卿舊三冬足學餘懸知雲路近前席待相如

劉兆基二首

兆基字開周號石湖閩縣人康熙四十七年

戊子舉人官平和教諭有石湖集

江郎石

山骨峻嶒陟筍牙攪開天碧漏煙霞雲照石表低晴
樹春暖巖頭散雪花三片削空橫駸駸千尋排翠聳
鬢髮江郎仙去青山暮鶴唳松陰古廟斜

姑蘓懷古

霸吳便是沼吳年一軟黃池枉占先樵李深仇方釋
怨會稽伏甲已投鞭採香舊徑荒村月响櫨空廊蔓
草烟獨有忠魂長不泯姑蘓臺畔越江前

姚黃甲二首

黃甲字叔度號萍踪莆田人康熙四十七年

戊子舉人官平和教諭有詹詹草

蘭陔詩話云萍踪為人冲和恬澹晚逃於禪詩非專長亦自文從字順

咏史

謾誇賴諍臣每愁言路塞如何明叔季沽名事搏擊
詆誣憑風聞元老重足立訐奏隨指使邊帥枕戈泣
門戶水火爭疇為念國恤附璫網東林三案恣誅殛
龍血戰未乾明運已告畢

春日郊居

虛室真生白無人叩板扉山光侵竹榻水氣上苔衣
隱几從花落鉤簾候燕歸不須傷寂寞我貴在知希

蔡世遠一首

世遠字聞之號梁村漳浦人康熙四十八年
己丑進士官禮部左侍郎贈禮部尚書謚文

勤有二希堂集

林白雲云公學問一本之于理喜造就人材
必以懇篤為實學刊有鰲峰講義學約

蕨寄籃玉霖

結宇南山下蕨生不費錢脆當春菜美青入野盤鮮

小雨遲舒葉東風欲放拳莫云滋味薄一熟動經年

林 信 四首

信字吉人號鹿原閩縣人康熙五十一年壬

辰 欽賜進士授內閣中書有樸學齋詩藁

注韓居詩話先生世居郡城光祿坊家多藏書徐尚書刻通志堂經解朱檢討選明詩綜皆就傳抄又性喜金石書畫冊端硯工篆隸二王書法又有焦山古鼎甘泉官瓦詩各一卷刻於昭代叢書中

題監采飲歸山圖

采飲策蹇驢來京未匝月遽欲別我行言將返閩越